

## A panoramic view of the Prague skyline across the Vltava River. The Charles Bridge, a historic stone bridge with multiple arches, spans the river in the foreground. Behind it, the dense urban landscape of Prague is visible, with numerous buildings featuring red-tiled roofs. The Prague Castle, a large complex of buildings and fortifications, sits atop a hill in the background, with its prominent spires and towers clearly visible against the sky. The river water is calm, reflecting the surrounding architecture and the overcast sky.

A large, ornate metal bell with intricate carvings, including a central figure and floral patterns, hanging within a dark metal frame.

La plej granda estas **Zikmund** (**Sigmundo**), kiun laŭ ordono de

Ferdinando la unua muldis en la jaro 1549 Tomáš Jaroš el Brno. La pezo de la sonorilo estas 13500 kilogramoj, suba diametro mezuras 256 centimetrojn kaj alto de la sonorilo estas du metroj. Pluaj sonoriloj:

**Václav** (Venceslao) el la jaro 1542, de sonorilfaristo Ondřej Matyáš Pražský,

**Jan Křtitel** (Johano la Baptisto) farita de sonorilfaristo Stanislav en la jaro 1540,

**Josef** (Jozefo) el la jaro 1602 de Martin Hilger.

Tri sonoriloj devenas el farejo Ditrich el Brodek u Přerova. Ili nomiĝas: **Dominik** (Dominus), **Maria** kaj **Ježíš** (Jezuo).

Kelkaj sonoriloj estis rekviziciitaj dum ambaŭ mondmilitoj. Ekzemple „Maria“ el la jaro 1542, „Dominik“ el la jaro 1556, „Ježíš“ el la jaro 1761 kaj ankaŭ „Funebrosonorilo“ el la jaro 1546. Tiuj ĉi sonoriloj estis substituataj nur en la jaro 2012.

Ĉiuj sonoriloj estas sonorigitaj per mansistemo, kaj krom la „Zikmund“ sonoradas ĉiun dimanĉon.



Programo de la dimanĉa sonorigado estas jena: je la 11 horo 59 minutoj eksonas tiu la plej malgranda „Josef“. Je la 12.00 horo eksonas „Jan Křtitel“, je la 12a horo kaj 2 minutoj sian sonoron aldonas „Václav“. Kiam

sonoras ankaŭ „Zikmund“, ĝi komencas je la 12.05a horo. Ekbalanci la „Zikmundon“ daŭras 30 sekundojn.



*Foto kun kardinalo*

Nuntempe la sonorigadon en la Katedralo prizorgas dekkvin regulaj sonorigistoj kaj ok intermitaj. Sep el ili estas virinoj. Por virinoj estas dekkvinminuta sonorado peniga. La plej grava sonorigisto nuntempe nomiĝas Tomáš Stařecký.

Al la sonoriloj ligiĝas kompreneble ankaŭ legendoj.

Antaŭ morto de la reĝo kaj imperiestro Karolo la kvara la funebrosonorilo eksonoris spontane kaj mortanta Karolo diris: „Ho, infanoj miaj, jam vokas min la Sinjoro, do ke Li restu kun vi eterne“.

Post kiam estis „Zikmund“ farita, longtempe ĝi staris sur la kortego antaŭ la katedralo, ĉar oni ne sukcesis tiel pezan sonorilon levi al la sonorilejon. Ĉiuj ŝnuregoj ŝiriĝis. Oni sukcesis, laŭ la legendo, nur danke al filino de la reĝo Ferdinand la unua Habsburga, kiu kune kun aliaj knabinoj finplektis ŝnuregon el propraj haroj. Tia ŝnurego la sonorilon subtenadis.

Oni diras ankaŭ, ke la sonorilojn ne eblas forŝteli. Sonoriloj ŝargitaj sur iu ajn veturilon tiom masiviĝus, ke neniuj fortoj kapablus fortiri ilin.

Kiam krevus la svingilo de la sonorilo „Zikmund“ tiam „faras timo por ĉeĥa reĝolando“.

La legendo ja plenumiĝis en la jaro 2002, kiam la svingilo de la sonorilo „Zikmund“ neatendite krevis. Post du monatoj endanĝerigis Ĉeĥion grandega „miljara“ inundo, la plej granda en la historio.

Laŭ David Černý kaj Wikipedio  
Kompilis kaj esperantigis Pavel Nechvíle

